

Isnin, Julai 25, 2016

MENGENAI KAMI PENYELIDIKAN AKADEMIK JARINGAN ANTARABANGSA KEHIDUPAN KAMPUS PERKHIDMATAN

 | A- | A | A+ | EN | RU | AR**BERITA »****Inovasi Penyokong Ergonomik Lumbar buat penunggang kapcai rasa selesa**

Oleh Azman Zakaria

Foto oleh Noor Azreen Awang



SERDANG, 3 Mei - Ketidakselesaan ketika menunggang motosikal 'kapcai' dari Tanjung Malim, Selangor ke Universiti Putra Malaysia (UPM) di Serdang, pada tahun 2010 mencetus ilham buat seorang pensyarah UPM untuk mencipta 'Penyokong Ergonomik Lumbar bagi Penunggang Motosikal.'

Dr. K. Karmegam yang juga penyelidik di Fakulti Perubatan dan Sains Kesihatan UPM berkata, apabila sampai di UPM ketika itu, bahagian bawah belakang badannya sering berasa sakit kerana menunggang agak jauh.

"Terus terlantas untuk saya mencipta alat untuk diletakkan di atas tempat duduk umpama tempat bersandar bagi menampung dan menyokong badan ketika menunggang motosikal," katanya dalam temubual.



Justeru, katanya, pada tahun 2010 beliau merekacipta 'Penyokong Ergonomik Lumbar bagi Penunggang Motosikal', dan kemudian pada 2013 menambahbaiknya untuk kedua-dua – penunggang dan pembonceng.

Katanya, beliau mengubahsuai penyandar kepala dalam kereta untuk dijadikan 'Penyokong Ergonomik Lumbar'. Tempat duduk motosikal kapcai ditebuk untuk dipasangkan dengan 'head rest' yang telah diubahsuai ini yang boleh ditanggalkan jika tidak mahu digunakan.

Beliau berkata ujian awal 'dummy testing' melalui kaedah 'motosikal statik' dilakukan membabitkan 50 penunggang lelaki dan 50 penunggang wanita, dan menggunakan alat Electromyograph (EMG) bagi mengukur keselesaan otot penunggang.

Soalan berbentuk soalselidik juga diberikan.

"Keputusan awal menunjukkan penunggang motosikal berpuas hati dengan motosikal prototaip itu kerana ia memberikan keselesaan terhadap bahagian lumbar iaitu bahagian bawah badan ketika menunggang serta mengurangkan kekerapan perubahan poster badan.

"Ia terbukti berjaya mengurangkan lebih daripada 50 peratus ketidakselesaan," katanya yang juga pernah menunggang motosikal kapcai dari Tanjung Malim untuk pulang ke kampung halamannya di Serdang, Kedah.



Menurutnya, kajian yang dijalankan sebelum ini menunjukkan bahawa penunggang motosikal di Malaysia sering merasai tanda-tanda ketidakselesaan di beberapa bahagian badan, khususnya di bahagian lumbar.

Justeru, katanya, bahagian lumbar ini perlu disokong dengan 'back rest'.

Rekaciptanya itu memenangi pingat perak pada pameran Biolnnovation Awards dan PRPI Research And Innovation Exhibition UPM tahun 2010 dan 2014. Prototaip itu telah dipatenkan.

Beliau kini dalam proses untuk mereka bentuk tempat duduk pembonceng bagi kanak-kanak berserta tempat pemegang dan tempat meletak kaki. – UPM.